



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 13. An intentio Ministri debeat esse determinata ad certam materiam & personam.

urn:nbn:de:hbz:466:1-42545

3. n. 28., hominemque perturbant:) sed tantum requiri, ut homo sit præsens animo, & attentè faciat, quod facit, ista enim dicuntur intentio in actu exercito, ut loquuntur *Caj. & Less.* hlc q. 64. a. 8. dub. 2. Sed de scrupulis circa intentionem, & speciatim circa consecrationem, plura addemus, quando de Sacrificio.

60. *Q. 12. An in Ministro Sacramentorum sufficiat intentio coacta. R.* Sufficere, si Matrimonium excipias, nam intentio coacta hlc dicitur, quam Minister nollet quidem habere, nunc tamen habet, quia ab extrinseco cogitur ad illam, v. g. per metum, sed talis intentio sufficit ad sex prima Sacramenta, est enim actio humana, simpliciter libera, capax meriti & demeriti, tantum secundum quid involuntaria: Ecclesia autem specialiter voluit, ut Matrimonium haberet perfectiorem libertatem, ut suo loco dicitur.

61. *Q. 13. An intentio Ministri debeat esse determinata ad certam materiam & personam. R.* Affirmativè, cum *Lugo* d. 8. n. 111. & *Escob.* l. 3. n. 265., quia intendere debet præsens Sacramentum, quod constat suam v. g. ablutionem, actio enim procedens ex intentione debet cadere super hoc, in quod fertur intentio, hinc etiam debet intendere conferre personæ præsenti, cui applicat: ideoque si *Cajum* ablueres, & dirigeres formam Baptismi ad *Titium*, intra te dicendo, abluo *Cajum*, sed *Titium* baptizare volo, mentireris & invalidus esset Baptismus: Item si Sacerdos haberet ante se duas hostias, & vellet consecrare tantum unam, neque determinaret quam, neutra consecraretur, quia intentio non esset determinata quoad materiam, *Lugo* n. 26. Idem est, si audivisset

visset duorum Confessiones, velletque absolvere tantum unum, & non determinaret quam e duobus, *Avers.* q. 64. f. 3. Non est tamen necesse, imò malè fieret, si quis suam intentionem restringeret ad istam in individuo personam, vel ad hanc unicam hostiam, quam ipse apposuisset, sed debet intentionem formare ad personam presentem aut ad materiam appositam & sibi moraliter approximatum, uti dicitur n. 67. & 68. An autem error circa materiam vel personam aliquando invalidet Sacramentum, dicitur q. seq.

Q. 14. Quid addendum sit circa errorem & erro- 62.
neam intentionem Ministri. R. seqq.

§. 1. Error Ministri, itemque intentio inducendi novum ritum, per se loquendo non invalidant Sacramentum, *Suar.* d. 2. f. 5. *Lugo* d. 2. à n. 113. *Compt.* d. 63. f. 3. n. 6. *Escob.* l. 8. n. 136. *Bernal* d. 6. f. 3. §. 2. *Dicast.* d. 1. dub. 9. & 10. *Gonet* d. 1. n. 134. *Gob.* In Exper. tr. 1. n. 193. Probat, quia Græci putant hæc omnia, Hoc est Corpus meum, quod pro vobis tradetur, esse de essentia consecrationis panis; & licet hoc addant, ac fortè etiam habeant intentionem inducendi illum ritum, tamen validè consecrant, quia volunt facere, quod Christus instituit, & ponunt, quidquid ad essentiam Sacramenti requiritur, per accidens autem se habent talis error & altera concomitans intentio, quæ non pugnat cum intentione generali conficiendi Sacramentum, prout hîc & nunc confici potest, uti pluribus firmat *Arriaga* d. 7. n. 10.

Objicies. Zacharias Papa n. 36. relatus dixit Baptismum in nomine Patris, Filii & Spiritu Sancti.

Idem